



Матерњи језик - Русински

ПРИКЛАДНІК ЗА ШКОЛЯРА

Република Србија
МИНИСТЕРСТВО ПРОСВИТИ
ЗАВОД ЗА ВРЕДНОВАЊЕ КВАЛИТЕТУ
ОБРАЗОВАЊА И ВОСПИТАЊА

ЗАКОНЧУЮЦИ ИСПИТ НА КОНЦУ ОСНОВНОГООБРАЗОВАЊА И ВОСПИТАЊА

ТЕСТ

РУСКИ ЈАЗИК И КЊИЖОВНОСЦ

ИДЕНТИФИКАЦИЈНИ ФОРМУЛАР

МЕНО, МЕНО ЄДНОГО РОДИТЕЛЯ/ДРУГОГО ЗАКОНСКОГО ЗАСТУПЊИКА, ПРЕЗВИСКО ШКОЛЯРА

ИДЕНТИФИКАЦИЈНЕ ЧИСЛО ШКОЛЯРА

--	--	--	--	--	--	--	--	--	--

ОСНОВНА ШКОЛА
МЕСТО
ОПШТИНА

ПОДПИС ДЕЖУРНОГО НАСТАВЊИКА

Резултати мож опатриц на порталу **Моја средња школа**: <https://mojasrednjaskola.gov.rs>. з уношеньом єдинственого идентификаційного числа школяра (дзешецифрова шифра школяра). За преберанє скенираного тесту у пдф формату, у часци дзе доступни резултати закончуючого испиту, необхідно унесц єдинствену шифру тесту.

Єдинствена шифра тесту: 224202512154

Кед родитель / други законски заступњик ма налог на порталу **Мој есДневник** або ма налог на Порталу за електронску идентификацију **eID.gov.rs** зоз хторим приступа на портал **Мој есДневник**, теди, окрем увиду до резултатох закончуючого испиту, на порталу **Моја средња школа** може вихасновац и даєдну зоз шлїдуючих електронских услугох: подношенє пригварки на резултати закончуючого испиту, подношенє електронскей лістини жаданьох и подношенє електронскей прияви за упис до стредней школи.

УПУТСТВО ЗА РОБОТУ

- Тест ма **20** задатки, хтори треба ришиц за **120** минути.
- Пиш читко, з кирилскимa буквами, водзаци рахунку же би твое одвити були розумлїви, але и граматично и правописно исправни.
- Кед ришуєш задатки у хторих ше од це обчекує же биш дацо дописал, вше хаснуй полни назви; скрацєня не дошлєбодзєни (напр. треба писац *меновник*, а не *мен.*, або *локатив*, а не *лок.* и подобне).
- Пополнї тест з **бєлавим хемийним клайбасом** (у роботи можєш хасновац графитни клайбас и гумку).
- Одвит хтори написани лєм з графитним, чарним хемийним або „пиш-сцєрай“ клайбасом не будзє припознати.
- У задаткох з понукнутима одвитами не буду припознати преправяни одвити.
- У задаткох з понукнутима одвитами, у хторих лєм єдєн одвит точни, доставаш 0 боди кед коло точного одвиту означиш и дасєдєн нєточни.
- Обрац увагу же ше задатки розликую по способє на яки маш дац одвит.
- Нє уписуй нїч на QR коди () хтори ше находза на каждем боку тесту.

У дасєдних задаткох виберєш точни одвит так же офарбиш одвитуєци крущок. У задаткох дзє єст вєцєй точни одвити треба офарбиц вєцєй крущки. Водз рахунку же крущок муши буц офарбєни, бо ци лєм так одвит будзє припознати.

ПРИКЛАД ОФАРБЕНИХ КРУЩОК
У задатку з єдним точним одвитом
Хтори главни город Рєпублики Сербїї? Офарб крущок опрєз точного одвиту.
☐ Нови Сад ☒ Бєоград ☐ Ниш ☐ Крушевєц
У задатку з вєцєй точнима одвитами
Офарб крущки опрєз виразох чий собир 5.
☒ 2 + 3 ☐ 1 + 2 ☒ 4 + 1 ☐ 2 + 4 ☐ 3 + 5

- Кед закончиш скорєй, придай тест и поцихи видз.

Жичимє ци вєльо успиху на испиту!



ТЕСТ РУСКИ ЈАЗИК И КЊИЖОВНОСТ

1. Пречитай дати текст и одвитуј на поставене питање.

Баршoнь и венeц за млоду

На свадзби млода представя особу хтора меня статус, односно розтаргуе зоз скорейшу улогу и у рамиках ритуалу пририхтуе ше за идуцу улогу – младей жени и познейше жени. Преходни статус младей означени зоз одредзену файту облeчива. Скорей, поклa била винчанiца нe сцигла до нас зоз викторианских салонох, найвизначнейша часц обрядного облeчива младей бул венeц хтори ношeла на глави. Руска млода мала венeц на глави, а под венцом и далeй бул повязани баршoнь, як вяза зоз предходним статусом – дзивки. *Жeлeни вeнок* бул трeци елемент зоз хторим млода прикрашoвала главу. Вон бул притвердзени за заднi бoк вeнца и символизoвал нeвестовo дзивоцтво и бул у пари зоз млодийову прикраску – жeлeним кoнариком – *пoкрeйткa*. Обидва прикраски мали правиц млода и eй пайташки.

Цo у текстy означeнe як вяза зоз предходним статусом жени?
Oфарб кружок опрeз точнoгo одвиту.

- ☐ жeлeни вeнок
- ☐ баршoнь
- ☐ пoкрeйткa
- ☐ фитюлa

2. Зоз гpyпи слoвoх хтори ци дати, напиш лoгичнe и гpaмaтичнo и пpaвoписнo пpaвилнe вирeчeнe пo руски. Дати слoвa мoжeш пoхacнoвaц у другeй фoрми (нaпp. пpипaдoк, чac, числo). Тиж тaк, мoжeш пoхacнoвaц eднo дoдaтнe слoвo.

Вчeрa, читaц, кнiжкa, Сaям,





3. Пречитай дати вереченя и одвитуї на питанє.

Хторе зоз датих виреченьох написане у складзе зоз руским правописом?
Офарб кружок опрез точного одвиту.

- ☐ На соботу у Кули, у школи „Петефи бригада” на 15 годзин почне Стретнуце рецитаторох „Михайло Зазуляк”.
- ☐ на соботу у кули, у школи „петефи бригада” на 15 годзин почне стретнуце рецитаторох „михайло зазуляк”.
- ☐ На соботу у Кули, у школи „Петефи бригада” на 15 годзин почње Стретнуце рецитаторох „Михајло Зазуляк”.
- ☐ Na sobotu u Kuli, u školi „Petefi brigada na 15 hodzin počnje Stretnuce recitatoroh „Mihajlo Zazuljak”.

4. Зоз фарбеньом крушка одредз яке то слово **хижочка**:

- ☐ кореньово
- ☐ виведзене
- ☐ зложене

5. Пречитай дати приклад, а потим зоз фарбеньом крушка одредз зоз котру дієсловну форму виражене жаданє у шлїдуючих стихох.

"Пила бим, пила бим зоз Дунаю води."

- ☐ инфинитив
- ☐ потенциал
- ☐ императив

6. Пречитай дати приклади и роздумай о основним и пренсшеним значеню словох.

Одредз у хторим виреченю визначене слово **глава** або **главка** дате у основним значеню.
Офарб кружок опрез точного одвиту.

- ☐ У нашим обисцу оец **глава** фамелиї.
- ☐ Болї ме **глава**, легнем спац.
- ☐ Мац порезала **главку** цибулі.





7. Пречитай наведзени стихи.

Кед голубица лецела,
Дробни пиречка трацела.
Лецела вона през гори
До своей любей мацери.

Ѓу хторей традициї припадаю тоти стихи?
Офарб круцок опрез точного одвиту.

- ☐ усней традициї
- ☐ уметнїцкей кнїжовносци

8. Пречитай виришок зоз литературного дїла и одредз о хторей з понукнутих формох висловйованя ше роби.
Офарб круцок опрез точного одвиту.

„До ше я мам бац? Ша у нашей школи ше не бие! Та гоч и не напишем задачу о домашнїх животиных, не будзем бити анї на дереш, анї по дланьох.“

- ☐ монолог
- ☐ диалог

9. У хторим з датих прикладах похасноване поровнанє?
Офарб круцок опрез точного одвиту.

- ☐ Мирко бояжлїви.
- ☐ Мирко ганьблїви.
- ☐ Мирко як дзивче мирни.
- ☐ Мирко збитлїви.





10. На фодбалским змаганю ши записал даскельо призначки зоз хторих маш написац кратку вистку за Фейсбук-бок твоєї школскей фодбалскей секциї. Пречитай тоті призначки и напиш кратку вистку у хторей буду заступени шицки информации о подїї.

1. 13. 3. 2025.
2. Дюрдьов, локални фодбалски терен
3. Фодбалске змаганє, ФК *Бачка* зоз Дюрдьова и ФК *Искра* зоз Коцура
4. Победзела *Бачка* зоз резултатом 2:1
5. Присутни 500 патраче
6. Филми интересантни

11. Розпачь дати пари словох, та одвитуй на питанє.

замчок – замчки
угел – угли
патрок – партки
дзвончок – дзвончки
чамец – чамци

Як ше вола окончена гласова пременка?
Офарб крущок опрез точного одвиту.

- ☐ виєдначованє по дзвонкосци
- ☐ виєдначованє по мєгкосци
- ☐ виєднагованє по месце творєня
- ☐ випадни вокали О, Е (Є)





12. Роздумай о визначених словах у шлідуючим тексті.

Таїнстено **ше чарнєло** шицко на тим салашу. Дижджик **суцал** и далєй, а витрик му шептаюци **одвитовал**. Помедзи дrevка було видно облаки котри випатрали як очи цо **ше трудза** препознац цо ше здалєка у неoбични час **указує**.

До хторей групи спадаю визначени слова?

Офарб крущок опрез точного одвиту.

- ☐ меновніки
- ☐ присловніки
- ☐ прикметніки
- ☐ дієслова
- ☐ викричніки
- ☐ злучніки
- ☐ заменовніки
- ☐ словка
- ☐ применовніки

13. Пречитай дате виреченє, а потим одредз хторе зависне виреченє у тим зложеним виреченю. Офарб крущок опрез точного одвиту.

Гоч кеди придзем до амбуланти, чекальня вше полна.



14. Розпатель визначени дієсловни форми у шлідуючих виреченьох.

Здрави **будзце** за помоц.

Треба **буц** добри и чесни человек.

Кажде рано го **будзце** на исти час.

Чи визначени дієсловни форми у шицких виреченьох маю исте значенє и функцию?

Офарб крущок опрез точного одвиту.

- ☐ исте значенє и функцию
- ☐ не исте значенє и функцию





15. Пречитай наведзени стихи, а потим одвитуј на питање.

Нас бида вигнала
зоз карпатских горох,
з голого каменя,
до швета широого,
до краю цудзого.
З горох до мочарох
дзе позних вечарох
верби над водами
ліца опатраю.
(Михайло Ковач: *Нас бида вигнала*)

На хтори час ше одноши тота писня?
Офарб крущок опрез точного одвиту.

- ☐ На початок 20. вику.
- ☐ На стредок 18. вику.
- ☐ На початок 19. вику.
- ☐ На конєц 19. вику.

16. Хтора з наведзених файтох писньох ма строго дефиновану форму хтора подрозумює одредзене число стихох, строфох и складох?
Офарб крущок опрез точного одвиту.

- ☐ балада
- ☐ поема
- ☐ сонет
- ☐ сказка





17. Пречитай дати текст и одвитуј на задати вимоги.

Часци хлопского народного облєчива у першей половки 20. вику

Руски хлопски кошулі ше не розликовали од кошульох остатку етнічних груп. Вирабяни су зоз билого ценкого фабричного платна, а легинє ношели святочни кошулі хтори могли буц у фарби або зоз мустру. Роботна кошуля була з домашнього, конопного платна. Длужина кошулі по клуби, вона ма длугоки рукави, хтори у святочних вариянтох маю манжетну, док роботни без нєй, а рукави зогнути по локци. У Музею Войводини ше чуваю три пари хлопских гачох зоз Руского Керестура. Дзекуючи тим прикладніком, бо число зачуваних часцох хлопского народного облєчива винїмково мали, можеме точно знац яки бул їх крой. При легиньских гачох направени импровизовани клїн хтори ше капча з єдну гомбичку. Гачи ше у пасу зацаговали зоз гачніком хтори прецагнути през горні рубец. Длужина гачох завишела од висини хлопа, а гачи мали буц длуги по ножни ставци. Руби ногавкох порубени 1 цент. На старих фотографийох можеме видзиц же було два файти лайбикох: чарни лайбик зоз металнима гомбичками и легиньски лайбик, шити з рижнофарбових материялох. Чарни капут шити з памучного сатену або сукна бул звичайни хлопски предмет за облєканє на войводянским валалє на початку 20. вику. На фотографийох з того периоду видзимо же тота файта облєчива була звичайна и при Руснацох. Зоз своєю длужину, дакус преїг клубох и кройом тота файта капута ше раховала до типу реклох на капчанє у двох шорох. Капчали ше на право з штирома гомбичками з чарного кавчуку, док паралелно були поставени штири на другим боку. Капут мал спушени галєр и ревери на чийх верхох ше находзела по єдна гомбичка. Уж скорей зме споминали характеристични руски калап хтори споминаю вецєй авторе. Тот калап мал релативно широку крису и висши верх хтори бул ровни. Душан Дрляча спомина же пантліка доокола калапа була широка. На калапе заручени легинь квачел покрейтку – букет штучного квеца зоз рижнофарбовима пантліками. Легинє, иншак, калап ношели дакус заручени на глави. Жимска шапка була друге значне закрице за главу хторе ше затримало при хлопскей популациї у Войводини, алє и околних рєгийох. Шапки направени зоз чарней овчєй або баранчєцовєй бундички. Копастєй су форми, а ноша ше зоз обачлївим верхом або углїбєньом, так же ше верх жимскей шапки уцискал до єй нукашньосци.

Напиш резимє того тексту.





18. У бешеди ше при вигваряню словох случую гласово пременки.

Хтори з прикладох илуструє гласову пременку випадни вокал о?
Офарб крущок опрез точного одвиту.

- ☐ септембер - септембру
- ☐ штварток - штвартку
- ☐ круг - крущок
- ☐ чловек - чловече

19. Роздумай о значеню визначених словох у виреченю.

Муши мерковац як роби. **Шицко му випадує з рукох, нєлапшни є.**

Зоз хторим виразом мож заменїц визначени слова?
Офарб крущок опрез точного одвиту.

- ☐ шедзи як квока
- ☐ круци ше як кура з вайцом
- ☐ ма дзирави руки

20. Пречитай шлїдуюци стихи, а потим напиш як ше вола така файта стиху.

кед би блато нє було,
як бизме спознали красу бисера,
його вигляд, чистоту, любов през нашу свідомосц и цело

але блато ше шири, рошне як цесто
до хторого сам бог руцел квас
(Владимир Гарянски: *Бисер и блато*)

Як ше вола така файта стиху?
Офарб крущок опрез точного одвиту.

- ☐ римовани стих
- ☐ моцни стих
- ☐ шлєбодни стих



ПРАЗНИ БОК



Матерњи језик - Русински



ИНТЕРНО

ПРИКЛАДНИК ЗА ШКОЛУ

Република Србија
МИНИСТЕРСТВО ПРОСВИТИ
ЗАВОД ЗА ВРЕДНОВАЊЕ КВАЛИТЕТУ
ОБРАЗОВАЊА И ВОСПИТАЊА

ЗАЛІПНУЦ ІДЕНТИФІКАЦІЙНУ
НАЛІПКУ

ЗАКОНЧУЮЋИ ІСПИТ НА КОНЦУ ОСНОВНОГО ОБРАЗОВАЊА И ВОСПИТАЊА

ТЕСТ

РУСКИ ЯЗИК И КНІЖОВНОСЦ

ІДЕНТИФІКАЦІЙНИ ФОРМУЛАР

МЕНО, МЕНО ЄДНОГО РОДИТЕЛЯ/ДРУГОГО ЗАКОНСКОГО ЗАСТУПНІКА, ПРЕЗВИСКО ШКОЛЯРА

ІДЕНТИФІКАЦІЙНЕ ЧИСЛО ШКОЛЯРА

--	--	--	--	--	--	--	--	--	--

ОСНОВНА ШКОЛА _____

МЕСТО _____

ОПШТИНА _____

ПОДПИС ДЕЖУРНОГО НАСТАВНІКА

